

مجالس القرآن - الدرس الثالث عشر - سورة القلم

أحمد عامر

الحمد لله والصلاة والسلام على رسول الله صلى الله عليه وسلم. سورة القلم. افتح يا اخي انت انا عارف انكم حافظين بس معلش نفتحها عشان التواضع من باب التواضع. احنا بدأنا الجزء تسعة وعشرين بصورة الملك وهي بتقول لك مين الملك؟ ومين وايه المملكة دي - [00:00:00](#)

انا جزء منها وربنا متحكم فيها ازاى وازاي بينزل الارزاق هو اللي بيخلق وهو اللي بيده الملك. واما ان هذا الذي هو جند لكم وهو اللي بينصر وقل يا حضراتكم مغاورة ما حدش يعرف يشرب ولا ياكل الا فامشوا في الارض. فامشوا في مناكبها وكلا من رزقه. كلمنا عن المملكة. عشان تعرف حقيقتك ومين هو. ومين وايه - [00:00:20](#)

عشان تعرف انت عارف انت بتعصي مين ولا بتعصي الملك؟ لما الله سبحانه وتعالى وراك بقية المملكة حتى في مشهد النار. اذا القوا فيها. فاتكلمنا عن سورة الملك. ودلوقتي هنتكلم عن سورة القلم. سورة القلم هي ثاني سورة من سور القرآن نزولا - [00:00:40](#) يعني على الارجح صورة العلق وبعد كده سورة القلم. فمهم قوي انك ده يبقى في زهنك ده مش اي صورة. دي الصورة اللي نزلت مع اوائل السور. لان من اوائل الصور لها لها سمات معينة. ايه اوائل السور اللي نزلت العلق القلم - [00:01:00](#)

المدثر يا المدثر. فدل من اوائل السور نزلت. تعال كده بص على الصور دي. هتحسهم ماشيين بنفس الافكار والطريقة فمن الحاجات الواضحة جدا في الصور دي هي بتقول للنبي صلى الله عليه وسلم انت نبي ودي رسالة. فهتقول له في دي اقرا. اقرا يعني ايه يا جماعة؟ يعني رح بلغهم القرآن ده. اقرا - [00:01:20](#)

فبكل وضوح اقرا. وفي سورة النداء قم فانذر. وهنا آآ ربنا بيقول ما انت بنعمة ربك مجنون نعمة ربك وبيقول له هنا ايه؟ فلا تطع المكذبين. في وضوح. في وضوح. بلغ الدين ده. ابعده عن دول. خلاص الموضوع - [00:01:40](#)

بكل وضوح ده المفروض تتعمل. فمن الاول كده بتوري انه الدين ده واضح والمطلوب منك واضح. فدي من سمات الصور في الاول. من سمات الصور في الاول بتتكلم على العلم. لانه انت اصلا عايز تكلمنا في حاجة لازم تكلمنا بمنطلق علمي. يعني انت الوحي ده علم. فبالتالي ما فيش حاجة - [00:02:00](#)

والله يا جماعة انا رأيي انه يبقى فيه اله لا انا فيه اله وفيه علم جالي بيبغني ابغكم بكزا. فبتوضح بكل وضوح انه العلم حاجة مهمة جدا والوحي ده علم. فتلاقي اقرا باسم ربك الذي خلق. خلق الانسان من علق. اقرا وربك الاكرم. علم علم ايه - [00:02:20](#)

علم الانسان ما لم يعلم. فربنا انا اللي بعلم انا اللي هعلمكم دلوقتي. انا هعلمكم بالدين بالوحي بالامر والنهي. فهتلاقي في سورة القلم اصلا ربنا بيقسم بالقلم نون والقلم وما يسطرون. يعني اي علوم اي تاريخ اي حاجة اتكتبت اي شعر العلوم. ما انت بنعمة ربك مجنون. الوحي ده علم - [00:02:40](#)

والوحي ده ما يخليكش مجنون الوحي ده بالعكس الوحي ده بيخليك على خلق عظيم والوحي ده هو العلم اللي انا منزله لكم. ودائما النبي لما يحاجهم وهم يحرموا حاجة قل الله اذن لكم ام على الله تفترون. فين العلم اللي بيننا؟ فالنبي صلى الله عليه وسلم بيقول سورة نعام ربنا بيقول له - [00:03:00](#)

قل لا اجد فيما اوحى الي محرما على طاعم يطعمه الا ان يكون دما مسفوحا. فشوف بداية الاية ايه انا اللي اوحى لي العلم ان ده اللي حرام. هو الموضوع ماشي بعينه. قل هل عندكم من علم فتخرجوه لنا؟ ام لهم كتاب فيه يدرسون. هتلاقي دايم الكلام كلام علم. عندك علم من - [00:03:20](#)

فالآيات اللي في الأول بتتكلم ان ده مش من دماغه. ده مش من افكاره. ده علم. الآيات اللي في الأول هتلاقيها بتتكلم عن انه الرسالة هتنزل لازم هيبزر ائمة للكفر وربنا بيهدهم وبيتوعدهم ما تقلقش ما هو انت داخل دخلة كفار وعالم وفرس ورود - [00:03:40](#)

فلازم اللي بيكلمه الله سبحانه وتعالى يقول قول وده اللي تقوله بكل وضوح. وده كلام عن حق وعن علم. وكده ولا كده الائمة اللي هتتصدر دول ما تقلقش. فده فين في سورة العلق؟ افرايت الذي ينهى عبدا اذا صلى - [00:04:00](#)

فريضة ان كان على الهدى امر بالتقوى ان النبي صلى الله عليه وسلم كذب وتولى الم يعلم بان الله يرى طب فين التهديد؟ الله يقول كلا لان لم ينتهي فليدعو ناديا سندعو الزبانية. فالنبي صلى الله عليه وسلم لما يقرأ ده بيطمئن اه الاله اللي بيقول لي كلمهم معي. في - [00:04:20](#)

كنت مدثر فين ده؟ فين اللي برز؟ طب انتم ايه هنتكلم في ايه صورة ايه؟ الفاتحة طيب حافظين ايه؟ في داري وما خلقت وحيدا وجعلت له انه فكر وقدر فقتل كيف قدر؟ الوليد بن غيرة. وربنا قال ايه؟ ربنا قال ايه؟ عليه في الاخر - [00:04:40](#)

وهنا في سورة القلم ولا تطع كل حلاف مهين هماز مشاء بن امين مناع للخير ولا يهدي الصحابة بيقولوا ده وصف المواليد المغيرة ووصف الاخنس ابن شرايط من من كبار ائمة الكفر. وبعد كده ربنا قال ايه؟ سنسمه على الخرطوم. فانت وانت بتقرأ كده - [00:05:00](#)

الصور اللي نزلت في الاول يا جماعة صور مميزة. يعني لو عايز تقوم كده تقعد انا هقوم اصلي في سورة العلق سورة المدثر وسورة القلم سورة المزمّل تقرا كده ايه الصور دي تستحضر ده اول حاجة اول حاجة جات للمؤمن من من ربنا - [00:05:20](#)

مين؟ انا مين؟ ايه دورك؟ ايه الرسالة دي؟ مين دول؟ سيبك منهم هتشوفه بتوعدهم. ربنا ما بيتوعد بيقول فستبصر ويبصرون. ده توعدهم. هتشوفه في الاول يروح يقول الرسالة دي وهو ايه وهو مشحون بمعاني مهمة. فيعني سمات السور اللي انزلت في الاول - [00:05:40](#)

حاجة خاصة كده ما تضيعش على نفسك المعاشية دي. فالاربعة صور دول اللي هم اصلا يعني حاجة بسيطة جدا ما هي ريعين او تلت تربيع يعني عادي تصلي بهم النهاردة. اقعد الاسبوع ده كله صل بهم. وشف. شف فعلا الايات دي هتعمل فيك ايه - [00:06:00](#)

حلو كده؟ خلاص خلصنا كفاية. والله حلو صح؟ طيب سورة القلم. طيب السورة بتتكلم على ايه؟ الوحي لسه نازل فالمشركين هيتكلموا من الاخر فاول ما الوحي نزل ده مش وحي وانت مجنون. وده وده وده بداية الكلام. يعني زي ما قلت لكم هو يهد اصلا فكرة اللي بيتكلم ده اصلا. مجنون - [00:06:20](#)

فهم هنا تهكموا وبيتكلموا على النبي صلى الله عليه وسلم شخص النبي صلى الله عليه وسلم. وبالتالي بيتكلموا على كل بقى اللي بيطلع مني. فالصورة نزلت بتتكلم عن تهكم المشركين. اتهاهم للنبي صلى الله عليه وسلم. اتهاهم للوحي. وبترد عليه. وبتثبت الوحي - [00:06:40](#)

وبتتوابعدهم وبتقول لهم هتشوف هيحصل فيكم ايه. في فرق خلي بالك الصورة لما الصورة تبقى تكلم الناس عامة مين هو ربنا زي مسلا سورة الرحمن وفي آيات ممكن تبقى تكلم المؤمن واذا جاءك الذين يؤمنون باياتنا فقل سلام عليكم. كتب ربكم على نفسه رحمة. وفي سورة بتكلم - [00:07:00](#)

بص ربنا وصفه ايه مكذبين حلاف مهين هماز مشا بناميت. واحد يا جماعة قمة الكفر. قمة الاعراب. فالصورة اصلا ما بتعملش حاجة غير ان هي بتترد عليه لآ انت غلط لآ هو وحي لآ ده حق وهتشوف هيحصل فيك ايه تعالي اوريك هيحصل فيك ايه من اوله لاخره صورة شديدة لان كفار قريش في وضع ما فيش اصلا - [00:07:20](#)

مش نقاش احنا مش بنكلم واحد مسلا مقصر في صلاة الفجر لآ ده واحد اول ما جه الواحد يقول مرسول قال له انت مجنون. وبيعاديه وبيحاربه وعايز يازبه وعايز ينفيه من البلد فالصورة شديدة. فهي بكل وضوح اول ما الوحي نزل يا جماعة ده اللي حصل. ماشي؟ ده موضوع الصورة. اما - [00:07:40](#)

ايه من اولها بص من اولها ايه؟ ربنا يقول اولها ما انت بنعمة ربك مجنون. اخر اية ايه؟ ويقولون انه لمجنون. يعني هو بعد كل الرد ده مجنون. وهكذا تنزل صورة ترد بعد كده فاهمين الموضوع السجال ما بيخلصش. كانك خلصت الصورة وبدأتها. واول الصورة مرتبط

باخرها جدا - 00:08:00

واسم الصورة واضح بقى خلاص من اللي قلناه. ربنا بيقسم بالقلم وما يسطرون. وما يقسم بالقلم وما يسطرون. العلم حتى القلم اللي ربنا خلقه اول ما خلق الله القلم. وقالوا له اكتب. اكتب ايه؟ ما كان وما كان الى يوم القيامة. الخمسين الف سنة اول ما خلق الله خلق

القلم - 00:08:20

فازاي العلم ده حاجة مهمة؟ فربنا بيقسم بانه قد ايه العلم مهم؟ قد ايه العلم حق؟ قد ايه العلم له تعظيمه وليه احترامه؟ الوحي ده

اعزم العلم. ما ينفعش تيجوا بنعمة رب - 00:08:40

رب الكمامة اتربت اللي هي الوحي يا جماعة الرسالة. وما بنعمة ربك فحدث. يعني ايه نعمة ربك؟ نعمة ربك ان ربنا انعم عليك بالنبوة والرسالة فربنا بيقسم انه اه العلم ده حاجة عظيمة جدا. فما تجيش انتم في اعظم اعظم علم واشرف العلوم. واهم حاجة في الدنيا

تعلمها وتعرفها. تيجي تتهم ده اصلا - 00:08:50

فالقسم مرتبط المقسم به والمقسم عليها مرتبطين جدا ببعض. فربنا مش بيقسم بالعلم ده والقلم وما يسطرون. اي حاجة اتكتبت في حاجة عرفتها ما فيش اشرف من ده انتم جايين تتكلموا فيه؟ ما فيش اعظم من ده. فده برضو ليه الصورة اتسمت بالقلم؟ لان احنا

بندافع عن الوحي. فالوحي ده علم - 00:09:10

فالقلم بيدل عليها يعني. تمام كده؟ طيب نيجي بقى لايه؟ للصورة متقسمة ازاى؟ الصورة متقسمة اربع اشواط. يعني ماشي؟ آآ اول

اول صورة اول اول شوط اللي هو لحد اخر الصفحة. حد اية ستاشر. ربنا بيرد عليهم - 00:09:30

امتى بنعمل ترايبك مجنون وان لك لاجرا خلينا نعدي بسرعة على التفسير العام ماشي وبعد كده ناخذ الدروس الاستفادة ماشي؟ فبدأت الشوط الاول ربنا بيقسم ما انت بنعمة ربك مجنون. وان لك لاجر غير ممنون. وانك لعللى خلق عظيم. فستبصرون بايكم مفتون

- 00:09:50

ربك واعلم بان ضل عن سبيله وهو اعلم المبتدي. فبيرد عليهم لا انت نبي ولك اجر عظيم على ما بتعمله وهم اللي غلط وهيشوفوا

مين اللي مفتون وربنا كده كده - 00:10:10

وبعد كده بتقول له ايه؟ فلا تطع المكدرين. ابعد عنهم بقى خالص. هم المتكلمين يودوا لو تدهن فيدهنه. لو حد مش فاهم معنى كلمة

يقولها. بس انا هشرح على ان انا - 00:10:20

يعني فهمتك ولو انت انا كنت قصرت ودوا لو تدهن فيدهنون هم يحبوا انك ايه نفسهم انك تدهن انك انك تتنازل تتلون تسبب هم هم مش هدفهم الحق. هم هدفهم المصالح. فهم دلوقتي بيحاربوك ومن جواهرهم يعني طب لو نعبد الهك عام وتعبد الهنا عام طب -

00:10:30

بلاش بس هاتينا ماشي ممكن نعترف بالله بس نعترف بالشركاء. فربنا بيقول له دول عاملين كده. ودوا لو تدهنوا فيدهنوه. ولا تطع

كل حلاف مهين. وبعد كده وهشرح اوصافهم لحد ما ربنا قال ودي عقوبته برضو هنشرح ايه سنة - 00:10:50

على الخطوط. فده الشوط الاول. الشوط الثاني ربنا بيقول انا بلونا هم كما بلونا اصحاب الجنة. وقعد يحوي وقعد بتحكي عن قصة

اصحاب الجنة دول. وربنا بيقول انا بابتليهم زي ما عملت مع دول وقصة دول بقى. قصة دول اذا اقسما ليصرمون مصبحين ولا

يستغفرون - 00:11:10

فطاف عليها طائف من ربك وهم يأمون. القصة كلها لحد اية الثلاثة وعشرين ثلاثة وتلاتين كذلك العذاب. فربنا بيحكي ازاى ربنا ينتقم من الناس دي. في الدنيا كذلك العذاب والعذاب الاخرة اكبر لو كانوا يعلمون. فده الشوط الثاني قصة اصحاب الجنة. وبعد كده الشوط

الثالث رد - 00:11:30

ده على رد على ايه؟ على المشركين. مناظرته او افهمك ليه منازرة؟ القرآن له اسلوب جدال. ازاى بيجدال فالشوط ده كله منازرة

وجدال. افنجلع المسلمين كالمجرمين. ما لكم كيف تحكمون؟ ام لكم كتاب فيه تدرسون؟ سلهم ايههم بذلك زعيم - 00:11:50

ام لهم شركاء فليأتوا بشركائهم؟ ام تسألهم اجرا فهم من المثقلون؟ ام عندهم الغيب فهم يكتبون؟ ده كله جدال. ومن الجدال اسلوب

الاستفهام ده انت مسلا خدت مني فلوس طب انا قصرت معك في حاجة؟ طب انت جيت لو سألتني كنت الاستفهام اصلا من من من اساليب المناظرة وكده. فالشوط كله - [00:12:10](#)

لحد اية سبعة واربعين بعد كده نصيحة اخيرة وربنا بيامر النبي صلى الله عليه وسلم فاصبر. فاصبر لحكم ربك كده قصة سيدنا يونس وهو بيقول له لا تكن كصاحب الحوت. سيدنا يونس برضه هنعكي ما صبرش الصبر اللي ربنا يريداه يعني. فهنا ربنا بيقول للنبي صلى الله عليه وسلم - [00:12:30](#)

هيدايقوك هيدوك هيسخروا هيلتهموا هيازوا. فاصبر لحكم ربك ولا تكن كصاحب الحكم. ما تعملش زي سيدنا يونس في الموقف ده وحكى له الموقف عشان يثبتته. بس كده. دي الصورة. فتعالوا نخش جواه عشان ناخذ الدروس وايه؟ والعبر اللي ايه؟ اللي في الصورة. ماشي - [00:12:50](#)

هنبدا الحمد لله والصلاة والسلام على رسول الله صلى الله عليه وسلم. فالشوط الاول اول درس نتعلمه من اول ست ايات في الست ايات دول وانا ممكن اكون قلت الكلام ده لان هي جت كذا مرة. ربنا بيقسم وانقل من ما يسترون ما يجعل ما انت بنعمة ربك مجنون. وان - [00:13:10](#)

لك لاجر غير ممنون. وانك لعل على خلق عظيم. فستبصر هو بيكلم مين؟ النبي صلى الله عليه وسلم. هو المفروض يكلم النبي صلى الله عليه وسلم ولا يقول لهم هو مين اللي بيقول انه انه مجنون؟ هم. ايه؟ يقول ما هو بمجنون. صح؟ انما ربنا مش بيكلمه اصلا - [00:13:30](#)

بجد زي صورة ايه؟ ايه اللي كده بقى؟ سورة ياسين مين اللي قال؟ اطلعوا برة. انت لسه قلت ياسين انك لمن المرسلين فبيقول له انت رسول. ايوه طب ما انا عارف. لا فيه فرق منك عارف. وبين يا جماعة بكل بساطة المؤمن - [00:13:50](#)

ما رحش للقرآن. عشان القرآن يثبتته المؤمن هيتنهز. بل هو اصلا بيتنهز. يعني انت على الحق تمام تمشي في الشارع هو انا على الحق نفسك عملت كده؟ هو فيه طبعا فيه ربنا تمشي هو فيه ربنا؟ يعني كم واحد فيكم مش انت بس - [00:14:10](#)

واحد فيكم بيبعت لي انا عندي مشاكل بس في يعني انت قاعد في الدرس تمام وربنا طبعا تروق على الفيسبوك هو في ربنا الله ليه؟ عشان ده العادي يعني ده العادي. وعشان كده نزل قرآن. يعني القرآن نزل كذلك لنثبت به فؤادك. الجملة دي لمين - [00:14:30](#)

ايوه يا جماعة هو النبي صلى الله عليه وسلم مش كده الا عشان نزل عليه القرآن فتدبر القرآن قمة التدبر فبقى في قمة الثبات. انما ربنا بيقول ولولا ان ثبتناك نكلم مين؟ النبي صلى الله عليه وسلم. ربنا بيقول للنبي صلى الله عليه وسلم. لولا ان سددتناك لقد كدت تركز اليهم - [00:14:50](#)

اللي هي والده لو تدهن دي. ده العادي. العادي انه لو ربنا ما سبتش ده اللي هيحصل. طب ازاى ربنا يسبت؟ ينزل لك وحي يقول لك اقراه. فانت كده الطيارة دي ما انت بنعمة ربك من ذنب. فتقول للناس اه انا انا الحق ده انا صح. لو هم بيقولوا ان انا انسان غريب لا انا مش غريب. وربنا - [00:15:10](#)

هو بيقول لك كده وانت بتقوى ان لك لاجر غير لا انت مش بس آآ انت صح انت اصلا هتاخذ حاجات كتيرة قوي غير ممنون يعني مقطوع يعني اجر ما بيخلصش يعني حاجة كده مستمرة - [00:15:30](#)

وعماله تيجي وكل يوم وزيادة ما بتخلصش. وبعد كده بص بص وانك لعل على خلق عظيم. دي اكتر حاجة تسبته. يعني انا ساعات والله العظيم ايه اللي يفصل لي ان انا على الحق؟ ان انا اللي ماشي معهم بجد بص كده لاخلقهم وبص كده لاخلقهم خلاص مستحيل ابقى انا الغلط. يعني ساعات فعلا الواحد - [00:15:40](#)

الواحد لما يبص مسلا لخلاف سياسي مسلا وناس وناس. بس تعال نفصل الاراء ونشوف الحياة. فتيجي تشوف ده ده راجل محترم اخلاق بيحب بيصلي وده بيرقص ويهزر وربا وفلوس وشتايم وسكر واضح جدا فين الحق والباطل؟ ده اللي ربنا قاله - [00:16:00](#)

ربنا بيقول انت اخلاقك مش اخلاقك حسنة. النبي صلى الله عليه وسلم مش اخلاقه حسنة ده انت ممكن تبقى اخلاقك حسنة. اخلاقه عظيمة فربنا بيقول له ما ينفعش الاخلاق دي تبقى غلط. ده دور القرآن. لو انت قصرت في انك تروح للقرآن هيحصل فيك ايه؟ هتبقى

اللي ربنا قاله في سورة ايه؟ خفيف دي جت بس يعني بصيغة القرآن في سورة الروم ولا يستخفك الذين لا يوقنون. ما بتبقاش خفيف. هو كلامهم بيعمل كده. بيودي ويجيب. تروح للقرآن القرآن ايه؟ يثبتك - 00:16:40

السكوراني خليك سابت ربنا قال ان ان ناشئة الليل هي اشد وطنا هو ده التوطئة دي يا جماعة ان انت ترسخ كده. ده بيحصل ازاى؟ لما تقرا قرآن بالليل في القيام. بتخرج من القرآن ده بص حيلة. اخش في حيلة. وده اللي ربنا قال عن - 00:17:00

فزرت ابراهيم ربنا قال وان كان مكرهم وقد مكروا مكرهم. وان كان ان ان بمعنى ما عشان بس يبقوا فاهمين معنى الاية. هي لها معناه وان كان مكرهم اللي هو مكر اهل الباطل لتزول منه الجبال. ان هو مكروب شديد. المعنى الثاني وان بمعنى ما. وما كان مكرهم لتزول منه الجبال - 00:17:20

مين الجبال؟ الصحابة. سيبهم يمكروا كده كده انتم جبال مع الكلام ده ما بيأثرش فيكم. ليه الصحابة جبال؟ عشان عشان متعلقين بالوحي فاوول مفهوم تتعلمه ان المؤمن لازم يحتاج للمؤمن النبي الصحابة يحتاج للوحي من الثبات. وده اللي حصل - 00:17:40 هو ربنا اصلا لما هم بيهاجموا ربنا بيكله هو ويقول له اصبر اثبت انت صح سيبك منهم انت مش كده انت انت هتأخذ اكثر من كده فانت بقى محتاج ده كمان - 00:18:00

اقرأ كده عشان انا انا خلاص. مهم قوي نتعلم بقى. رقم اثنين بقى لما ربنا بدأ يتكلم عنهم فلا تطع المكذبين وبيوريك اخلاقهم. اخلاق المعرضين عن الدين ومبادئهم. سواء مبادئهم مع الدعوة اللي هي ودوا لو تدهن تدهن فيديهم - 00:18:10 ودي حاجة مشاهدة بس لما انت تخش جوة التفاصيل هو ما عندوش عز الدين طب تعالى تتكلم تعالوا نظبط دين عليا وعليك يعني هو ما عندوش اصلا رسالة يعني هو رسالته - 00:18:30

مصالحه. الدين مش مشكلة. وده مشاهد جدا في دين اليهود والنصارى دلوقتي. يعني فعلا عارفين الناس اللي بتطلع لما تتكلم اسلام هم اصلا ممكن ملحدين او غرب. بس هم بينصفوا الاسلام في دين بيقول لك انه الاسلام ده سابت. الاسلام ده المسلمين دول ولاد لزين ما بيتغيروش ما بيتحركوش - 00:18:40

هو ده فعلا دي ميزة الاسلام القوية. انه يا جماعة احنا فعلا آآ دماغه ناشفة. يعني هو عقيدتنا كده. النصارى مش كده. انتم تعرفوا احنا قاعدين النصارى دلوقتي هتلاقي الكنيسة دي يعني على المنايل الليبرالية اصلا اللي هو ايه مش مصر بتكلم على الدين العالمي فعلا. دين هش جدا دين مايع جدا - 00:19:00

هم هم ما عندهم مشاكل في التنازلات دي. فاهل الباطل كده هو بص تعال نزبط حاجة بينا وبينك. يعني شف انت نعملها ازاى نزبطها. دي اخلاقهم دي مشاهدة جدا. وبعد كده لما ربنا بدأ يتكلم عن اخلاقهم. اخلاقهم هنا دي - 00:19:20 تصرفاتهم تجاه الدعم. هنا اخلاقهم بقى. والله فعلا زي ما قلت لكم من شوية. عايز تعرف حقه والباطل فين؟ حط على ميزان بكل بساطة انت ساعات انت تشوف ما ينفعش ده يا جماعة يبقى حقا ازاى يبقى حقه يعني وحش اوي - 00:19:40 الحق ده. اخلاقه وحشة جدا. قربنا هنا بيوصفهم باخلاقهم. قال الله ولا تطع كل ايه بقى؟ حلف. ماشي؟ يعني كثير الحلف مهمم اللي بيحلف دايمما يعني بيحتقر نفسه. هو مقل من نفسه. حلاف مهين. وبعد كده ربنا يقول هماز. الهمز ده ويل لكل همزة يعني -

00:20:00

وبعد كده مشاء بنميم يمشي يوقع بين الناس ويتكلم على واحد وحش ويغلط الناس في بعضه. وبعد كده مناع للخير حاجة للفقراء يا عم نبني ايه وفلوسنا ونضيع. مناع للخير. معتد ائيم. معتد ائيم على الحرمات وعلى الذنوب وعلى المعاصي - 00:20:20 فاتح عرابي بعد كده ربنا يقول عتل عتل يعني غليظ. اخلاقه اخلاقه صعبة جدا متكبر او طول بعد ذلك زعيم. والزعيم ده واحد اخلاق وحشة جدا مع الناس. بعد كده ربنا يقول كل ده عشان بس ايه ان كان ذا مال وبنيين. وبعد كده اذا تتلى عليه اياتنا قال اساطير

الاولين - 00:20:40

آآ هو ده وصف الكافر. يعني ده وصف يا جماعة اللي بعيد عن الدين. اللي ما عندوش رادع. يعني فاهم؟ ما عندوش مسطرة بتقول له

لا ده غلط. ده حرام - 00:21:00

خلي بالك. فهو بيطلق العنان لنفسه. فاخلاقه وحشة. اخلاقه فعلا فاسدة. انت لما تبص لاخلاقك شتيمه عادي. آآ عري عادي فحش عادي. آآ حاجات كلها آآ بذاة عادي. آآ يشتغل - 00:21:10

الحرام عادي آآ وجوه القصص بقى اللي وراء الكواليس وكل علي فلوس واشوه بي وعمل بي اخلاق ما بشوفهاش بجد لان بصراحة ما اشوفهاش عند اهل الدين. يعني اهل الدين اخلاقهم اللي بيتعصب وهو سايق. فاهم بيتأخر في الميعاد. احنا دي الاخلاق اللي بنحاول نظبطها. لان انت بتبقى عديت - 00:21:30

واحد اللي هو ايه يا جماعة اللي انتم فيه ده؟ عايز تعرف الحق والباطل فين؟ بصراحة بيبقى واضح جدا. يعني حط كده على ميزان الاخلاق ما ينفعش يا جماعة ده بيبقى الشيخ بتاع الحق وده بيبقى الشيخ بتاع يعني بص كده الاتنين دول ده عمال يتصور مع فلانة وفلانة ويروح الحفلات ويعمل ويتكلم مش بس بتكلم على انه حالق لحيته - 00:21:50

انا بفصل اصلا عايز تعرف سيبك خالص من اراءه السياسية. تعال بص على حياته. هتحس ان هو ما ينفعش وما ينفعش آآ يا باشا في اخلاق كده مش عندك. صعب تبقى كويس. بتلاقي ده بقى ايه عندهم كلهم - 00:22:10

ربنا يقول فلا تطع كل يعني هم فعلا وكلهم كده الفريقين بيبقى واضح يعني الفريق ده على خلق عظيم والفريق ده له اخلاق شرع دائما الحاجة نتعلمها انه تعرف على الاخلاق دي من القرآن عشان تعرف زي سورة الشعراء. الشعراء دول اصلا - 00:22:30

يعني ايه الشعراء زمان؟ الشاعر ده يا جماعة كان ايه دوره زمان؟ الشاعر ده كان يطلع يلقي شعر. مش بيقول شعر اللي هو بيألف قصة وهمية وفيه فيه حسان بيطير وكده - 00:22:50

الشاعر ده كان آآ احد ادواره ان هو مسلا مسلا حصل حرب. فيقوم قايل شعر بيوصف الحرب ويمدح مسلا دول اللي اتقتل وبيقولوا عليهم جبناء وبيقولوا ان دول خيلهم كانوا عاملين زي. فهو من الاخر بيقوم بيتكلم انبي بينشر خبر. بيقول انه في ايه؟ بيقول ان في حاجة حصلت - 00:23:00

مممكن مسلا اه بيمدح في حد معين. وبيتكلم عنه هو مين وبطل ازاى ويعمل بس الكلام بقى الشعراء الدقيق وتلاقبه بيقطع فلان وبيتكلم عن القرآن وبيشتم في فلان باساليب قوية جدا. بس الشعراء دول يعني هم يا جماعة كان من ادوارهم الاساسية للاعلام. بس الشعراء دول ما عندوش فيها يكذب - 00:23:20

ويبالغ ويفتري ويحور فاهم هو دلوقتي بيع منتج آآ على السمع ظريف ولزيز وكده. قربنا لما هم كانوا بيتكلموا النبي الانبياء ازيكم زي الشعراء؟ لا انا هنزل سورة اسمها الشعراء دي اصلا فيها قصة الانبياء عشان يوريهم الانبياء اسمع سورة الشعراء لما تبص فيها ما فيهاش سور ربنا - 00:23:40

نزل العزال ازاى؟ يعني مش زي صورة هود. لان صورة هود بتتكلم على العزاب اللي هينزل عليك الكفار. فجابت مسلا قصة بعدا لتمودا لا بعدا تفصيل العزاب. اقرا الشعراء فين القصص بتاعة لا امال ايه اللي ظاهر فيها؟ المحاوره اللي بين النبي وقومه. ماشي؟ ليه؟ لان هي اصلا - 00:24:00

بتقول لك دول مش زي دول اللي بيتكلموا. دول مش زي دول. فجت في الاخر الصورة وبتقول لك عشان عارف تعرف مين الشاعر ومين النبي. عايز اعرف الاعلامي واللي بينشر الحق تسمع وتتفرج وتشوف. فقلت ايه؟ آآ والشعراء يتبعون الغاؤون. دي اول حاجة - 00:24:20

مين اللي ماشي ورا كلامه؟ اللي هم بتوع الاخلاق دول برا يعني هم دول اللي بيايدوا ده فخلاص تعرف فعلا مين اللي بيمشي وراه. اول حاجة بعد كده ربنا قال ايه؟ الم ترى انه في كل وادي - 00:24:40

يا هيمون بيتكلم في كل حاجة وفي اي حاجة. ساعات كده يطلعوا لهم فيديوهات وهو بيفتي فتية كده وبيبهذ ابداء مع اسماء ليه؟ هو هو الشاعر كان كده يلا نتكلم في اي حاجة في الماية في الشجر في الجبال في الخيل في النساء ويتكلموا خالص. النبي مش كده ان اقرا سورة الشعراء - 00:24:50

هتلاقي كذبت عاد المرسلين. اذ قال له اخوه هود الا تتقون اني لكم رسول مبين. فاتقوا الله واطيعوه. وما سألكم عليه من اجر من اجل ايها الاعراب الا يا رب العالمين فاتقوا الله واطيعوه. الجملة دي في سورة الشعراء مين قالها غيره؟ كل الانبياء قالوها. ربنا بيقول مش هيتكلموا في اي حاجة هم بيتكلموا في رسالة واحدة محددة عبودية توحيد - [00:25:10](#)

شعراء كده الانبياء كده. الم ترى انهم في كل واد ناهمون وانهم ايه؟ يقولون ما لا يفعلون. شعراء الاعلام بالزات الاعلامي الفاسد الشاعر الفاسد يقول ما لا يفعل. وده مجاهد. ولازم وتكشف والبلاغ يعني كده اتفرج عليه يا باشا انت مستحيل - [00:25:30](#) ومعنا كده عادي؟ ايوا يا عم عادي. ليه؟ لانه بياكل عيش يعني. الشاعر كده الشعراء كده. من الاخر القرآن بيقول لك ايه؟ انا هحط لك نموذج وانت ايه وانت شوف مين النموذج ده المنافقين كده القرآن ميقولكش عبد الله ابن ابيهم سليم منافق لأ بيقولك ايه هوا مين - [00:25:50](#)

من يقول اذا لي ولا تفتني. فانت كده عرفت مين المراد؟ تيجي هنا بقى تشوفه وتعرفه. فالخلاصة ان القرآن هنا بيعرفنا على اخلاقهم. ودي حاجة والله بتساعد جدا اللي عايز يعرف الحق يبص كده على الموبايل الاخلاق دي ما ينفعش يبقى الحق. ده غير الاراء وغير المبادئ وغير - [00:26:10](#)

ماشي؟ فنخش على الشوط الثاني وربنا بيقول انا بلونا هم. كما بلونا اصحاب الجنة. ايه القصة بسرعة جدا راجل كان عنده ارض بيطلع منها الخير. بيطلع منها الحصاد. بيطلع تلت للفقرا. وتلت ياكل هو وعياله وتلت يستسمروا في الارض - [00:26:30](#) الراجل مات فالتلت ولاد قالك بلا فقرا بقى بلا بتاع احنا عايزين الفلوس دي اه الاحصاد بيطلع امتى احنا ليلتها نصحى طبعاً بدرى ونطلع بهدوء آآ ربنا بيقول ايه؟ اذ اقسما ليصر منها مش هنسب فيها حاجة ولا يستثنون - [00:26:50](#)

خلاص دي حاجتنا احنا. فما حدش هياخد منها حاجة. فربنا عمل ايه؟ فطاف عليها. طائف من ربك وهم نائمون فاصبحت كسارين الصريم ده يعني الارض اليابس السودا اللي هي مش بقى مش ما فيهاش حاجة. مش هتتزع تاني. طاف عليها طائف. طائف ده يعني ايه؟ ما مش عارفين ملك عذاب ربح - [00:27:10](#)

هو فعلاً موضوع ابسط من كده عند ربنا. حاجة من عند حاجة من عند اهلوية الارض. خلاص؟ صحىوا هم تاني يوم فتنادوا مصبحين ومش واخدين باله من اللي حصل هنفدوا على حارتكم ان كنتم صارمين. فانطلقوا وهم يتخافتون الا يدخلنا اليوم عليكم مسكين. احنا اتفقنا وما حدش هيفخس وهناخد وغضب - [00:27:30](#)

على حرب قادرين. فربنا بيوصف القصة. فلما رأوها هم وصلوا الارض لقوا ايه؟ لقي حاجة سودا كده مش مفهومة من كتر ما من كتر ما الارض يا جماعة ما بقتش هي الارض قالوا انا لضالون. عارفين يعني ايه ضالون؟ يعني يا جدعان احنا لاقيين اللي جابنا هنا. فتخيل واحد يروح الارض - [00:27:50](#)

بتاعته كل يوم. ارض عادي. بيروح كل يوم. وفيه يوم راح ايه يا جدعان انا توكتوك ولا ايه؟ من كتر ما شايف حاجة مش متصورة. بعد كده لفوا ورجعوا بل نحن محرومون. يعني ايه محروم؟ ما هي ربنا حرمانا خلاص؟ انا كده قال اوسطه مش يعني السن. اوسطهم يعني اعدالهم - [00:28:10](#)

احسن الوحشين. الم اقل لكم لولا تسبحون مش انا قلت لكم يا جماعة بلاش نعمل كده. بعد كده قول سبحان ربنا انا كنا ظالمون فاقبل بعضهم بعض التلامون. يا عم مش انا قلت يا عم انت ما قلتش حاجة. يا عم والله كنت عايز اقول يا عم انت اللي فاخبر عنهم بعض التلامون وبعد كده عارف لما تستسلم بقى للواقع - [00:28:30](#)

قالوا يا ويلنا انا كنا طاغين. احنا عملناه ده غلطة كبيرة طغيان. عسى ربنا ان يبدلنا خير منها انا الى ربنا راغبون. فربنا بيقول كذلك ولا عذاب الاخرة اكثر. فدي القصة. الدرس الترسين احنا قلنا دارسين لحد دلوقتي ها؟ هنلخصه بداية - [00:28:50](#)

آآ او هنقولهم تاني عشان نفتكرهم. الدرس التالت اللي عايزك تعلمه هنا يا جماعة هم اقسما ليسر منا مصبحين. خلي بالك كل القصة اللي في الاول دي ما زكرتش هنا ذكر في السنة. هنا اللي ربنا ذكره اول ما قاله والله لنعمل كذا. لان دي اللي ربنا دي اللي بتعاقب - [00:29:10](#)

انا نفسي اعمل الزنب انا ناوي انما انا انا هقوم انا عملت هو ده الموضوع. قربنا هنا بينوه على دي لان هي دي هي دي اهم حنة طب ايه اللي حصل يا جماعة؟ هم اقسامهم صح؟ وخدوا عهد وهم وهنعمل. وبعد كده ناموا. العذاب نزل. طب ما هم ما راحوش خدوا الحاجة لسه. يعني هم - [00:29:30](#)

يا رب طب ما انا ما عملتش. لا يا حبيبي هو ربنا مش بيعاقب على الفعل بس. لازم تعلم ان ربنا بيعاقب على الهم والنية يعني طيب النبي صلى الله عليه وسلم يقول من هم بحسنة فلم يعملها كتبت له حسنة. فان عملها كتبت له عشرة ومن هم - [00:29:50](#) بالسيئة فلم يعملها لم يكتب عليه شيء. فان عملها كتبت عليه سيئة واحدة. طب ازاى ربنا حاسبهم على ده هفهمك يعني ايه هم؟ هم يعني ايه؟ واحد مسلا عايش في مخدرات ماشي؟ مسلا يعني. فييكلم الراجل اللي بيشتري منه - [00:30:10](#) مسلا ماشي؟ فايه؟ فعادي اسم ازن حلو ينفع. ماشي؟ فهو ايه فهو بيكلمه مقفول بيكلمه مقفول. نفسه يرد. ده بياخد زنب. لان اللي منعه عن السيئة مش هو هو لو العمر اتفتح له كان هيعمل. ده بياخد زنب. فهتم دي؟ واحد يشوف واحد كده مسلا معروف عنه مسلا - [00:30:30](#)

انه انه بيزني اصلا. ويا ريتني زي فلان ده. ابن اللذين ده ده كل يوم مع واحدة. ده بياخد زمن. ليه؟ اصل اللي مانعه مش حاجة غير الزروف. هو لو علي انا هعمل. لو علي انا هعمل. ده الهم - [00:31:00](#) ده الهم زي بالزبط ايه انا انا انا في درس انا عايز اروح الدرس. خلاص انا رايح الدرس. بقول لك ايه الدرس فين؟ انا نازل. لا الدرس اتلغى. ده بياخد - [00:31:20](#)

عارف لما ايه انا كنت ناوي بس الزروف منعني دي بحسنة وبسيئة. ده الهم. ماشي في فرق ما بين واحد قاعد كده وياه عشان تبقى فاهم بقى هنا النبي عليه الصلاة والسلام بيقول ايه بص بقى من هم بحسنة فلم يعملها - [00:31:30](#) زي مسال الدرس ده كتب هتلاقوا ايه؟ حسنة. فان عملها راح الدرس كتبت له عشرة. ماشي مفهوم. من هم بالسيئة فلم يعملها لم يكتب عليه شيء. يعني ايه لم يعملها؟ يعني قال لنفسه لا خلاص مش هكلم الراجل. فاهمين يعني ايه اهم ما لم يعملها؟ كان هيعمل كده نفسه - [00:31:50](#)

لم يكتب عليه شيء. في حديس تاني بقى كتبت له حسنة. لان دي مجاهدة اصلا. خلاص؟ فان عملها كتبت عليه سيئة. واحد فاهمهم انك تدعي ربنا هم كانوا الصبح فاضل ييجي عشان يروحوا. ده زي العمل عند ربنا زي اللي عمل - [00:32:10](#) بص بقى الحديث الخطير ده. قال النبي صلى الله عليه وسلم انما الدنيا لاربعة نفر. الدنيا فيها اربع نماذج. فقال النبي صلى الله عليه وسلم عبد رزقه الله مالا وعلما فهو يتقي في ماله ربه ويصل فيه رحمه ويعلم لله فيه حقا. فهذا باحسن المنازل عند الله - [00:32:30](#) لانه عنده المال وعنده العلم علم يعني الدين. فعرف يتصرف صحفي الفلوس. ورجل اتاه الله علما ولم يؤته مالا. فهو يقول لو ان لي مالا لعملت مثل فلان. يعني واحد شايف واحد عنده وعمال يبني مساجد ويعمل وهو ما عندوش. بس فاهم كويس قوي - [00:32:50](#) ربنا فهما في الاجر سواء. اصل انت اللي منعك ان ربنا اللي مندكش الفلوس عشان كده انت بجد تقول والله يا رب انا لو اقدر هروح الحج معهم. ده ده بياخد ثواب الحج عادي جدا. والنبي صلى الله عليه وسلم قال ان - [00:33:10](#)

الصحابه وهم راجعين من غزوة تبوك ان اقواما في المدينة آآ ما قطعتم واديا ولا آآ كما قال يعني سرت مسيرة آآ الا كان لهم الاجر مثلكم فقال النبي صلى الله عليه وسلم حبسهم العذر. مش مش هو السبب. فعشان كده تاخذ نية. والنبي صلى الله عليه وسلم عند ابي صنفين قام جايب الصنفين - [00:33:30](#)

رجل اتاه الله مالا ولم يؤته علما فهو يحبط في ماله يعني يعني المال بيصرفه غلط ولا يتقي فيه ربه ولا يثق فيه رحمه ولا يعلم الله محطة. فبدأ باسوأ المنازل عند الله. عمال يصرف فلوسه بقى على السفه وعشرين عربية وشرب وسفر في تحت غلط وحفلات - [00:33:50](#)

ورجلا لم يؤته الله مالا ولا علما. فهو يقول لو ان لي مالا لعملت بعمل فلان. فهو بنيته وهما في الوزر سواء. في واحد فقير كده قاعد كده بيتفرج على فلان وهو لابس عريان وطالع من السلسلة وعمال يعمل كده ويقول ياه - [00:34:10](#)

لو انا بس كان معي الفلوس دي كنت تخيل ان اموت فهم في الوزر سواء ده ايه ده؟ ربنا بيحاسب على الهموم دي. خلي بالك. في خواطر ربنا ما يحاسبش عليها. اللي هو يبجي في خاطر حاجة خلاص خاطر. انما الهم - [00:34:30](#)

هم خلي بالك الناس دي وهم نايمين ربنا قال فطاف عليها طائفة من ربك وهم نائمون. ليه ربنا قال وهم نائمين عشان يقول لك ده هم لسه ما قاموش. بس العذاب نزل خلاص. الخوف قوي ده يا جماعة. خوف وتفرح. يعني برضو اللي هياخد ده بالنية - [00:34:50](#)

والله يا رب انا لو لو معي فلوس كنت عملت جامع زبي كنت عملت والله. بس اعمل ايه؟ قربنا يدك فلوس. ففتكشف اه والله انت بتطلع صدقة مية جنيه مسلا في الاخر فتعرف انه ما تقلقش ما تقلقش ده مش هتاخذ عليه سبب لان ده اصل فيه كده والله يا رب هطلع حجة والله نفسي اطلع حجة - [00:35:10](#)

اطلع يعني انت صعب اوي هو هو ينفع يطلع نزر يا ينفع يطلع بس هو لا هو عايز والله اطلع اللي هو يا رب لو ادتني عشرة مليون هو بيبقى قصده كده. على فكرة ده نيته تمام دي نية سليمة بس عشان بس ما تقعدش عشان عشان بس تقفش نفسك. نفسك واضحة جدا. هي بس - [00:35:30](#)

هتقول لك يعني بس انت اول ما يجي معك فلوس ايه ده هو انا ما فهمتش صادق ولا ايه؟ فحاول تفضل تاخذ النية وربنا سهل وتبقى صالح. ايه هات بس عشرة مليون وانا هطلعكم كلكم حاجة. مش كلكم برضه هيخلصوا يعني سبحان الله. شف بقى المشكلة قال اوسطهم - [00:35:50](#)

قال اوساطنا ربنا بيقول ان ده ده كويس بس هو احسنهم هو مش كويس. ربنا بيقول احسنهم في واحد كده بيبقى قاعد وسط الصلبة دي وهو اوسطهم فعلا. بس والله ده ما يفرقش معه في حاجة. يعني مش هينفعه في حاجة - [00:36:10](#)

تمام اعزب معهم والزم معهم وعند ربنا خلاص انت زيه. يعني آآ يا جدعان آآ بلاش نروح بلاش يا جدعان السفرية دي. ما بلاش ما تيجوا نروح احسن اسكندرية ونشرب وعزة. ما بلاش يا جدعان الحوارات دي. ليه طيب نروح حفلة وكده؟ والله - [00:36:30](#)

بص انا شايف انه مش صح ماشي. طب ما تيجي يا جدعان انا مش عايز والله الحاجات دي. طب انتم رايعين امتي؟ طيب ماشي. ماشي بس انا يعني مش بعد كده هتيجي معي - [00:36:50](#)

لوحدي يا باشا يا عم خلاص جاي. مش ده مش ده حقيقي؟ مش دايم في واحد فينا كده بيبقى مش فينا. يعني ده اغلب الغلب ده. مش دايم في واحد في الجلة كده او - [00:37:00](#)

ده بقى ولا كأنه وسطهم عند ربنا. هو اوسطهم هنا كتصنيف. هو فعلا لقي احسن وحشين. ده اللي كان بيقول لهم يا جدعان غلط والله. بس واوسطهم ده انا عايز اطلب لو اوسطهم ده كان قال بصوا انا بصراحة مش معكم في دي وقمش - [00:37:10](#)

حتة تانية خالص. طب اوساطهم ده لو اصلا قاعد جوة ناس كويسة. كان هيبقى فين؟ هيبقى في حتة تانية خالص. فمشكلة اللي فاكر والله انا بحاول انت طالما وسطهم يعني خلاص هيتأسر عليك وهتتاخذ في رجلك. فالموضوع واضح - [00:37:30](#)

جدا لازم تفهم انه الصحة اساس. يعني مش المهم انت عامل ازاي بس. لا انت صحبتك عاملة ازاي. وعلى فكرة ده اللي حصل لوليد ابن مغيرة نفسه يعني لو الايات دي بتتكلم عنه وان الغيرة كان كده في الودن وغيره يا جماعة قال كلام على القرآن والله ما - [00:37:50](#)

حد فينا يعرف يقول. يعني مدح في القرآن. والله ما نعرف مش عشان القرآن مش عشان مش بتكلم على البلاغة. بتكلم على انه احساسك بالقرآن انا مش متخيل ان انا يعني انا اقول كلام حلو جدا في القناة. بس اللي هو قاله ده عجيب. راح للنبي صلى الله عليه وسلم. عليه الصلاة والسلام. واتكلم معه - [00:38:10](#)

وكان بيقول له لو هي دي والده لو تدهم فاجنون حصلت في السيرة. آآ لو لو تريد ملكا ملكناك لو تريد مالا يعني شف انت محتاج ايه ونزبطها والنبي صلى الله عليه وسلم كلمه كده بس قال له طب قرأ عليه القرآن. وبعد كده اريد انه غيره لما راحوا له قالوا له احنا وده ده سبب النزول - [00:38:30](#)

صورة المدثر انه فكر وقدر. بص احنا لازم نوحده كلامنا ونقول حاجة مش معقولة كل واحد يبجي يرزع وبيقول الحق لازم نوحده

ونزبط الاعلام كده عشان لما الناس تفتح القناة قناة قريش الاولى وقريش الثانية وكده فايه قريش صفرا ايه - 00:38:50
الناس تبقى شايقة ان احنا كلنا بنقول اه خلاص فالناس لازم نزبط فانت فانت شايف نقول عليه ايه؟ فالوليد ابن وقيرة بيقول لهم انه
وماذا اقول؟ فوالله ما فيكم رجل اعلم بالشعر مني. لو هنقول ان ده شعر ما انا عارف الشعر. وقال آآ ولا بزجره ولا بقصيده -

00:39:10

مني الشعر يعني يعني انا فاهم كويس قوي في تفاصيل الشعر ولا باشعار الجن. الكهنة وكده. فوالله ما يشبه الذي يقول من شيئا من
هذا. يعني يا جماعة احنا فاهمين كويس - 00:39:30

ده مش الشارع. يعني حط شعر القرآن ده حاجة وده حاجة. الكهنة بيتكلموا وبيقولوا ايه يعني الغيب ده حاجة وده حاجة. بعد كده
قال ايه؟ وان لقوله لحلاوة يعني انتم لو يا جماعة في حاجة حلوة جدا في اللي بنسمعه. وان عليه لطلاوة. ولما بتسمع القرآن. فيه
حاجة حلوة؟ لما بتسمع القرآن؟ حاجة فخمة كده بتحس بقوة وهنا علينا طلاق - 00:39:40
وانه لمنير اعلاه. يعني هو دلوقتي جسم اللي بيسمعه يقول لك طب ما انت كأن حاجة منورة جدا من فوق. مشرق من اسفله برضه
هو منور من كل حطة. الكلام نور وانه ليعلو وما يعلى عليه. القرآن لما بيتكلم اي حاجة بتتقال - 00:40:00
عليها تحس القرآن فعلا بيعلوا وانه ليحطم ما تحته. بص بيبص الكلام اللي وليد مغيره بيقوله هو فعلا ده وصف من اعظم اوصاف
القرآن كان الكلام ده يبقى من احد فهم اللي هو يعني الواحد يعرف يتأسى بس احنا بنتأسى به فعلا هو فعلا كلام مبهر. فقالوا له لازم -

00:40:20

هنقول حاجة يعني انجز هي دي بقى انه فكر وقدر وربنا بيقول فقتل كيف قدر؟ يعني ازاى بعد ده ما بعد كده ايه ثم نظر ثم عبد
عبس عبس عمل كده. احنا هنجي للكاميرا خلاص احنا قلنا كده. فصلنا. وبصر ثم ايه؟ فقال ان هذا الا سحر. ما ينفعش يعني ايه
سحر؟ هنقول ان هو قول - 00:40:40

بشر وسحر عشان نوحده بس الموضوع انما شوفوا كلامه عن القرآن طب ايه اللي حصل بقى الايد المغيرة دي بقى؟ وليد ابن المغيرة
ده لما راح للنبي صلى الله عليه وسلم - 00:41:00

اه اه رجع فابو جهل شاف فلقى وشه زي انت كده بتخرج من الدرس. تخيل صحابك واقفين تحت اول ما تخرج من الدرس هادي
كده اهو ومرتاح كده صح مش الايمان بيعمل كده لما الايمان بيصحب بتبقى مرتاح كده مبسوط تماما - 00:41:10
ابو جهل فقال له انت انت مش انت وانت ده مش انت ده. فبدأ يعايره يقول له اه انت رحت له عشان عايز فلوس وعايز كده وعايز
تمشي وراه بدأ يعايره بالحنة اللي ببيجي منها. فلو مش لا ولا. فقال له ايه؟ فخلاص عايز تسبت لي انك كذا يبقى تشتم محمد وتسب
- 00:41:30

فبدأ يصحي فيه تاني الايه الفطرة المنتكزة دي والكفر ويهيجوا تاني وفي الاخر الصلبة يا جماعة يعني انت ممكن تبقى كويس
وصحابك بيقوا وده مش هينفعك انك والله يا رب انا ما كنتش لكن سيب له الدين وانا ساكت. عادي يعني انت سامع سب الدين
وساكت. انت قاعد - 00:41:50

كده وفي ثلاثة اربعة بيسيبيو الدنيا وانت قاعد وهم بيقدفوا محصنات وبيتكلموا على ممثلات وبنات في الجامعة ويتهموهم في
العرض وانت قاعد كده انا عمري ما قذفت واحد بس قاعد نص يوم وساكت. فضلت قاعد. يعني انا لما كنت بروح بصلي عشان احنا
دلوقتي قاعدين. بس كنت - 00:42:10

انما هم انا اوسطهم انا عارف انك اوسطهم بس ساعتها ان انا ما جبتهاش. سبحان الله! خلي بالك. ودي بقول لك يعني دي مشكلة فيها
حاجة؟ هي مشكلة اوزاتهم انه موهوم انه فيه ان انا يعني انا كويس. انت كويس بالنسبة لميسي. يعني يعني واحد بيقارن نفسه
بصفات اهل النار - 00:42:30

صح؟ يعني واحد انا الحمد لله بزنيش ما بشريش ما بقتلش ما بسبش انت بتكلم مين؟ انت في الفاير بمين دلوقتي؟ احنا عايزين
واحد بيقيم الليل وبينصر دين ويبحفظ قرآن ويبجاهد وبيتقي انت بتكلمني على واحد اصلا في اسفل سافلين انت ليه عشان هو دي

مشكلة اوساطهم؟ هو مش شايف - 00:42:50

مش مقيم نفسه صح فاهم؟ يعني كله سقط وانا جيت واحد وخمسين في المية. هو شايف ايه؟ انا الوحيد اللي ناجح. شفت دي؟ طيب كله جاب مية في المية واحد جاب واحد وخمسين في المية. احنا اوحش واحد. فالمقارنة مبنية على اساس غلط. دي مشكلة اوساطهم. القرآن بيتكلم كده - 00:43:10

وبعد كده الشوط الثالث ان للمتقين عند ربهم جنات النعيم. الجدل بقى اسلوب الاستفهام اللي هو يوصلك لانك تعترف باللي انت بتنكره. يعني انت داخل كده داخل لا ده مش نبي. لا لا ده اصلا مش نبي. ده اصلا مجنون. فبص القرآن. ربنا يقول لهم - 00:43:30 ما لكم كيف تحكمون انتم بتحكموا على اساس ايه؟ ام لكم كتاب فيه تدرسون ان لكم فيه لما تخيرون. انت عندك علم كتاب بتدرس فيه انه اللي انت مختاره ده هو الصح - 00:43:50

لا والله ما عنديش. ام لكم ايمان علينا بالغة؟ حلفان وعود ان لكم لما تحكمون. لانه اللي انت عايزه هو اللي هيحصل. ان انت اللي هتنجوا لأ انا ربنا ما وعدنيش بحاجة. سلمهم ايههم بذلك زعيم. مين المتصدر الاراء دي والايديولوجيات دي؟ ومين مين فيكم اللي ماسك الموضوع - 00:44:00

عشان بس لما يجي يوم القيامة قام لهم شركاء في حد شريك لربنا قال لكم تتبنوا الافكار دي والكلام ده فليأتوا بشركائهم. بعد كده ربنا يقول انت انت تسألهم اجرا ولا مسلا النبي صلى الله عليه وسلم رايح موسى عايز تسلم؟ اه هات مية الف جنيه عشان تسلم. هل هي دي المشكلة؟ فهم من مغرم مثقلون. ام عندهم الغيب - 00:44:20 ولا انت تعرف اه وربنا بعث لك وحي بيقول لك لا قدام شوية هتنزل حاجة تكذب مسلا انت ما تعرفش حاجة. طب ما انت نطمئن كده ليه وواسق كده ليه وبتقول الكلام ده على اساس ايه هو ده اللي يخلي هو ده الاسلوب الجدل اللي في القرآن اسئلة اسئلة - 00:44:40

تخلي الواحد يبلم يعني هو لا لا لا امال ايه؟ تخليه يوصل توصل لمرحلة؟ والله الصراحة ما فيش حاجة زي بالزبط كده لما اجي الواحد الواحد مسلا ايه اه الواحد ما جاش الدرس ده شوية. ما جتش ليه؟ انجز حاجة يقول لي ايه؟ انا ما ليش حكمة - 00:45:00 ماشي؟ ايه اللي بيحصل بقى؟ لما يجي واحد يقول لي اه والله عندي ظروف ظروف ايه؟ عندي امتحانات وكده. يعني انت كنت بتعمل ايه ادب انا هسأل بقى. لأ ما انا ساعات ببقى نايم انت بتنام كام ساعة؟ لا ما انا اصل الفكرة ان انا كنت نزلت وكده. ايوا يعني انت ما كنتش تقدر لحد ما يوصل لمرحلة ايه؟ بص الصراحة انا - 00:45:20

صح كده؟ هو ده الاسلوب بتاع القرآن. اسلوب الاستفهام الاستفهام الاستنكاري ده. جدل جدل جدل لحد ما يخليه يعترف اصلا او يكتم جواه طبعا عشان الكبر يعني. فده مهم جدا انك تشوف آا الاسلوب ده مع القرآن وتستخدمه - 00:45:40 بس في النص ربنا سبحانه وتعالى جاب ايتين ما بين ام لهم شركاء وبعد كده فدارني ومن يكذب بهذا الحديث ربنا قال يوم يكشف عن ساق ويدعون الى السجود فلا يستطيعون. خاشعة ابصارهم ترهقهم ذلة وقد - 00:46:00 كانوا يدعون الى السجود وهم سالمون. ايتين يا جماعة قصة. طيب صح؟ عشان تبقى واضحة. المفسرين على معنيين بيكشف عن ساق من معانيها انه يوم آا يشتد الكرب. ماشي؟ ده ده التعبير المعنوي - 00:46:20

خلاص يوم يعني لما يقول لك ان في الحرب كشف عن ساق يعني الموضوع كان شديد. ماشي؟ فربنا بيتكلم عن يوم القيامة يوم يكشف عن ويتجابوا ويدعون الى السجود فلا يستطيعون. والحديث الرأي الثاني في تفسير الثاني مبني اصلا على حديث النبي صلى الله عليه وسلم. انه النبي عليه الصلاة والسلام قال يكشف ربنا - 00:46:40

عن ساقه فيسجد كل مؤمن ومؤمنة فيبقى كل من كان يسجد في الدنيا رياء وسمعة فيذهب ليسجد فيعود ظهره طبقا واحدا. يعني يتخش بكده وما يعرفش يزبط. فربنا يكشف عن ساق. السابطة دي ايه؟ دي وصف ربنا. ربنا له يد. وربنا - 00:47:00 في عينين وربنا له سقوة قال لنا ربنا بس الحاجات دي ما حدش شافها. فما حدش يعرف يوصفها. يعني هي ازاي ما اعرفش. هي موجودة اه. ربنا قال انها موجودة - 00:47:20

ربنا آ قال ان هو لي يد. خلاص؟ آ طب اليد دي انا اعرف شكلها ايه واعرف. طب هي زي البتاعة دي؟ لا ليس كمثله شيء ربنا قال ان انا مش زيكم. ماشي هي بقى ازاي مش مهم اصلا. عشان بس ان البصل ده اصلا مش مهم. ربنا بيقول لي صح خلاص ماشي. عادي - 00:47:30

ماشي بس اتعلم بس ايه الضوابط بتاعة اه اه الايمان بصفات الله وذات الله. فربنا قال ايه عن نفسه؟ قال انه له سياقة قال ايه تاني؟ ولا حاجة. خلاص قال لأ. قال حاجة تانية. قال ليس كمثله شيء. فما ينفعش نقول ان هي زيي. ما تعرفش. حد شافها؟ حد شافها؟ هو قال لنا حاجة اكثر من كده - 00:47:50

لا يبقى هي كده لحد بس يعني هي دي بس ده اللي نعرفه عنها. ادراك الموضوع لما نروح يوم القيامة بقى ربنا يورينا اكثر يكشف لنا اكثر نفهم اكثر فهتمم الضوابط دي؟ عشان في ناس هنجت اوي من دي. يقول لك ما ينفعش تقول يد. يا عم هو انا قلت زي ايدي! ما ينفعش تقول يد. طب هتعمل ايه؟ هتقول ايه؟ هقول قوة - 00:48:10

يعني يد معناها قوة لا يعني هو كان ممكن يقول قوة هو مش عارف يقول قوة فخلي بالك دي عملت مشكلة كبيرة عند الفئة اللي هي اسمها الاشعة في ان هم عشان - 00:48:30

في ناس آ يعني تربنت فبدأوا ان هم طب هتهرب منها خالص. ما هو ده غلط برضو. يعني ما يجيش ربنا يقول يد وانت تقول لا هو مش قصده يد - 00:48:40

ما هو ده بردو مش منطق بردو انك يقول ساق لا مش ساق يقول يد لا مش شاق يلوق فاز بالنكبة يا عيني لا لا مش طب ما طب ما انت كده برضه - 00:48:50

ما هو البلاغة في الكلام ما تخليهوش يقول كده. فدي سهلة؟ سهلة عشان بسيطة يعني. فاما ان هي الساق فعلا زي حديث يا اما انه هي انما يكشف عن صاف بالزات معناه الشدة والقهر. وحتى اللي قال الشدة والكرب ما بينكرش موضوع الساق. يعني فاهم وبس بيقول هنا الكلمة دي معناها كده. ماشي؟ فايه المشهد بقى ايه؟ احنا عايزين بس - 00:49:00

المشهد ان ربنا سبحانه وتعالى بيحب الناس يوم القيامة ويقول له ايه؟ ويقول له اصبر. فمين اللي هيصبر؟ اللي كان بيصبر. سبحان الله ربنا القهار. مشهد صعب جدا. وهي الصلاة كده. علامة. اه والله بجد زي بالزبط الاخلاق الصلاة - 00:49:20

علن فربنا يقول ويدعون الى السجود فلا يستطيعون. خاشعة ابصارهم تركهم لله. وقد كانوا يدعون الى السجود كان عندك ايدين ورجلين وربنا بيدعوك حي على الصلاة كان بيدعى بس كان في ناس مطنش - 00:49:40

يجوا من هنا لا يستطيع هو نفسه كله بيسجد. وهو مش عارف ما هو جسمه اصلا مش ملكه يعني. هو بس كان يعني واخذ كده

سلطات كده بسيطة يوم القيامة مش جسمه. مش عارف مش يرضى. فبعد كده ربنا يقول ايه - 00:50:00

لحد ما نوصل لايه للشوط الرابع فاصبر لحكم ربك. فمهم قوي برضو ان احنا نفهم قصة سيدنا يونس السيد يونس قصته وردت كثير ان هو كان عند قوم آ والقوم دول مش عايزينهم مش عايزينهم مش عايزينهم مش عايزينهم فسيدنا يونس -

00:50:20

يعني فعلا آ فقد الامل فيها. وسيدنا يونس آ هو نفسه قال ايه؟ انا هركب سفينة وهروح ادعو ناس تانية كانت مشكلة هنا سيدنا

يونس في ايه؟ لا هو انت نبي انت يجي لك الامر بالدعوة تصبر او تروح. ما تتحركش من غير واحد - 00:50:40

خلاص؟ بس هو ده اللي سيدنا يوسف عمله. يعني هو شاف انه الاولى ايه؟ يعني انا هروح ادعو ناس تانية. فربنا كان من ده مش

صح. الاولى انك تصبر وتسمع اه وتشوف الواحد يقول لك ايه. لو قال لك تصبر تكمل صبر. قال لك تروح تروح - 00:51:00

فربنا بيقول له هنا وفصل لحكم ربك ولا تكن كصاحب الحوت. فايه اللي حصل؟ قصة معروفة ان هم السفينة وكان في السفينة كان

في مطرة وكان في ريح وكان في موت - 00:51:20

وربنا اللي عمله. وبالتالي في تقل في السفينة والماية بتخش ولازم يرموا حاجات لحد ما لازم الناس تترمي. يعني واحد اتنين يموتوا

بس الباقي يعيشوا عامل قرعة عامل قرعة لحد كل شوية يطلع سن يونس يطلع سن يونس. فخلاص سيدنا يونس نط في المية

وابتلع الحوت. ولما بتطلع الحوت فنأدى في الظلمات - 00:51:30

سنة ونص بقى عرف اصلا مين اللي بيعمل فيا كده ؟ اهو ده نبي بقى يا جماعة. مش بقى المركب والسفينة ده نبي. مين اللي عمل ؟ مين اللي دخلني هنا؟ ربنا بيقى انا غلطت. فنأدى في الظلمات - 00:51:50

ان لا اله الا انت سبحانك اني كنت من الظالمين. فربنا عمل ايه؟ فالحوت لفظه لارض وجسمه اه جلده اتهرى من اللي جوة بطن الحوت من اه من السوائل والكلام ده. فربنا قال ايه؟ اه فانبتنا عليه شجرة من - 00:52:00

اليقطين اه شجر معين عشان يداري جسمه عشان يصبحه فربنا في الاخر اه رجعه تاني قومه ورجع له تاني صحته وارسلناه الى مائة الف او يا زيدون فامنوا. شفت ربنا ما كانش يريدني اصبر هيسلمه اصبر. فربنا هنا بيلخص القصة ولا تكن كصاحب الحوت اذ نادى ده هنا في - 00:52:20

في بطن الحوت. اذ نادى وهو مكذوم كان في كرب شديد. لولا ان تتداركه نعمة من ربه لولا ان ربنا انعم عليه. فتأب وخرجه من الحوت وارسل له الشجرة دي لايه؟ لنبت بالعراء وهو مذموم كان يسيبه ويذمه بس ربنا ما عملش كده. فاشتبه ربه فجعله - 00:52:40

الصالحين. فربنا بيقول له آآ ما تعملش زيه. وفي نفس الوقت ربنا قال ان ربنا انعم على سيدنا موسى. آآ فهم قوي انك بس تتعلم بس النبي صلى الله عليه وسلم يقول لا ينبغي لعبد ان يقول انا خير من يونس ابن متى. وده عشان بس في يعني ايه افهم كويس اوي اولاً في خلاف بين العلماء - 00:53:00

ودي بعدين نتكلم فيها اللي هو الانبياء بيزنبوا ولا لا؟ ماشي؟ طبعا الخلاف عشان تبقى فاهم هو مش يعني في حاجات العلماء متفقين. الانبياء ما يزنبنوش في ده خلاص اللي هو ايه؟ اللي هو في الشرع. اللي هو مسلا يفتري في الشرع. يقول حاجة غلط. ماشي؟ ده مستحيل. او في الكبائر والفسق. فاهم؟ اللي هو الحاجات انما الصغائر - 00:53:20

هل هل اه الانبياء ممكن ممكن يعمل لابي ممكن يعمل صغيرة ولا لا؟ لان القرآن مليون من الانبياء حاجات زي دي زي ان سيدنا ابراهيم آآ حتى وهو بيحي يوم من الايام بيقول ايه؟ انا كذبت تلت كاذبات. فاهمين الفكرة؟ وده كتير ان سيدنا ادم ربنا يقول عصي ادم - 00:53:40

واكل من فهل الخلاف من العلماء هل ولا لا؟ والقول انه انه انه ان هم ازنبوا صغائر ان ربنا سماها زنب وتآب عليه وواضح يعني والقول التاني ان هم بيقولوا لا هم بس ما عملوش الاحسن. ماشي؟ فبعيدا عن ده. انت بس لازم تبقى فاهم مكانة الانبياء - 00:54:00

فما يجيش واحد بس ايه يبص ده ويقول ايه آآ هو النبي صلى الله عليه وسلم قال لا يقول احدكم انا خير من يونس ابن متى. لان انت اصلا ما عمرك ما هتوصل للمكانة - 00:54:20

فهم انك لما تشوف القرآن عبس وتولى مسلا ما فيش حد هيجي يقول لي مسلا يعني يقول هو ايه اللي هو عامله؟ يا عم انت ده هو عبس في وجه اعمى. العبوس ده يعني هو مكشر وشه كده اعمى مش شايف اصلا - 00:54:30

فاهم يعني اول ما يعني مش شايف القهوة ما تتأزاش بس ربنا لأ في احسن من كده فاللي قصدي ان انت اهم حاجة وانت بتقرا ده سيدنا يونس ده نبي ماشي؟ دي اهم حاجة. وبعد كده اخر اية وربنا بيقول ايه؟ وان يكاد الذين كفروا ليزلقونك باب - 00:54:50

لما سمعوا الذكر يقولون انه لمنكر. برضو هم مكملين. ويقولون انه مجنون وما هو الا ذكر. يعني ايه بقى اللي يزلقونك بابصارهم؟ يعني بعينه يصدقونك يعني يعني عمالين يدوك نظرات وعاييزينك تتحسد عاييزينك يحصلك حاجة هو هو - 00:55:10

الناس دي كده يا جماعة هو انت ماشي في حالك ورايح تصلي وهو يقوم متضايق انك يا عم انت مالك انت انا ماشي في الشارع ما تخليك ليبرالي كده بجد يعني ما تسيبنيش هو كده - 00:55:30

يعني هو بيشوف واحد منتقم احنا ما طلعا نش القمر عشان النقاب يعني هو النقاب ده اللي ما بيخشش في السفينة هي دي المشكلة. احنا عندنا الوكالة وعندنا السفن وعندنا الماسك مشكلته انه فيه مركبة. هو هم كده يا عم ما تسيبنا يا عم نلبس نقاب ولا نقلع انت

مالك انت؟ هم ما يقدروش. اول ما يشوفوا واحد قاعد - [00:55:40](#)

في الصيدلية وبيقرأ المسعف اطع ازاي وسايب شغله يا عم ما تسبب الراجل يقرأ قرآن ما فيش حد ما فيش زباين يا عم ما فيش زباين هو ما يقدرش يعني هو - [00:56:00](#)

هو عادي ازان. لأ الازان والصوت والناس ما حدش قال حاجة. هو بيقترض ان الناس ما حدش قال حاجة. في الحقيقة هو فعلا كده هم من جواهرهم كده ومن براهم كده ويقولون انه لمجنون. فسبحان الله! وما هو الا ذكر عالم. فاحنا لحد دلوقتي قلنا - [00:56:10](#) قلنا الدرس الاول المؤمن محتاج وحي عشان يثبت. ماشي؟ ارجع للوحي عشان تسبت. قلنا الدرس الثاني اعرف اعرف اهل الحق واهل الباطل من اخلاقه. القرآن ذلك على اخلاق رح شفها عشان تعرف. الدرس الثالث ربنا بيحاسب على الهم. ربنا بيعاقب على الهم - [00:56:30](#)

خلي بالك. والدرس الرابع اوسطهم ده عند ربنا زيه زي زيههم. فخلي بالك من الصح الدرس الخامس تعرفنا على الجدل في القرآن. ماشي؟ الجدل في القرآن. في بقى درسين كمان هم منتجين - [00:56:50](#) شيرين جوة القصة. آ أنواع المعاصي اللي ربنا عاقب عليها هنا ايه؟ هو اصلا احنا عندنا اربع قصص لو انتم ملاحزين ايه هم الاربع قصص؟ الوليد اللي هو كل حلاف مهين ده نموزج. اصحاب الجنة ده نموزج. فين - [00:57:10](#) المنتج الثالث سيدنا يونس ده نموزج فين النموزج الرابع؟ يوم يدعون الى السجود فلا دول دول الاربعة. آ دول انواع معاصي ربنا خلوا بالكم عشان بس ايه يعني انا مع الرأي ان الانبياء ممكن يزنباوا - [00:57:30](#) وطبعا اكمل اكمل البشر واعظم التوبة بس انا مع الرأي ده. فتلاقيني بقول حاجة فانت ما بتتخضض لان انا مع رأيك. لو انت عادي مش مشكلة. بس عشان تفهموا بس اللي انا اتعلمته يعني. خلاص وده خلاف ما فيهوش مشكلة يعني. آ - [00:57:50](#) فبص الاول الاول مشكلة كانت ايه؟ كانت الاخلاق. صح؟ اه اه ذنب باخلاق. ثاني مشكلة كانت ايه ايه يا جماعة؟ الزنب كان ايه؟ اول مشكلة كانت اخلاق معاملات. ثاني مشكلة كانت الصدقة المال الفلوس هنعمل - [00:58:10](#)

في ايه؟ هنتصدق مش هنصدق هنخلي الفلوس. معاملات اخلاق معاملات. ثالث مشكلة كانت ايه؟ عبادات. ربنا عاقب على رابع حاجة كانت ايه؟ نصرة الدين والدعوة. فالفكرة ان ربنا يعني ممكن يعاقبك على حاجات مختلفة. ما تشوفش انت - [00:58:30](#) الامر والنهي حاجة واحدة الصح والغلط حاجة واحدة. ربنا امرنا بكل حاجة. ربنا هو ببر الوالدين وما تغش في الامتحانات وانك تصلي وانك تمسك لسانك وانك تتصدق وانك تحضر درس كل ده دين. وكل ده بيعاقب ويثيب عليه. خل بالك الشمولية واضحة جدا في الصورة دي. رقم اثنين - [00:58:50](#)

انواع العقوبات ايه هنا؟ نفس الكلام برضه زي ما قلنا انواع المعاصي انواع العقوبات ايه؟ طيب سنسمه على الخرطوم انا ما قلتهاش بس لا هقولها كمان شوية بس دي دي عقوبة في الآخر ان ربنا يقول في الآخرة ربنا هيمسحه آ خنزير ويبقى عليه علامة الناس تشوفه. الخرطوم يعني المناخير - [00:59:10](#)

بس الخرطوم بيتقال على مناخير الخنزير. عارفين الخنزير البري ده؟ فربنا يقول انه اللي فاكر نفسه متكبر اللي بيتعامل هيتنسخ وهيتعلم عليه عشان اهل النار يبقوا عارفين كل ده ده ماشي؟ سيماهم يعني علامتهم فسيموهم يعني نعلم عليه علامة. فالمهم دي عقوبة فين؟ دنيا ولا آخرة - [00:59:30](#)

اخر. طب واصحاب الجنة عقوبة فين؟ دنيا. طب فلا يستطيعون عقوبة فين؟ آخرة. آخرة. وسيدنا نوح بطن الحوت دنيا دنيا ربنا ممكن يعاقب دنيا وآخرة. يعني شمولية العقوبة. شمولية مش معنى انه سايب دلوقتي انه بص ربنا قال في النص. سبني. ومن يكذب بهذا الحديث. سيبوا لي ده. سنستدرجهم - [00:59:50](#)

من حيث لا يعلمون. واملي لهم ان كيدي مديد. الكيل يا جماعة يعني المكر الخفي. حاجة هو ازاي عمل كده؟ ولله المثل الاعلى والله خير الماكرين. فالعقوبة تيجي منين وما تعرفش تيجي دلوقتي تيجي في عربية - [01:00:20](#) تيجي في صحتك تيجي في ولادك تيجي في مراتك تيجي في القبر تيجي في يوم القيامة تيجي على الصراط تيجي وهو واقف

قدام ربنا تيجي في القنطرة ما نعرفش خلي بالك الله عزيز مهم جدا ان احنا ندرك ربنا بيعاقب ويثيب على كل - 01:00:40
ربنا يعاقب ويثيب. دنيا واخرة. ما لهاش حسبة؟ لا لها حسبة. اللي هو اللي انا قلته ده. كل حاجة واي حاجة. عشان هو العبد يا جماعة
افقر واضعف واجهل من ان هو يحيط اصلا بنا. اللي هو انا انا فاهم التيتة. ما فيش تيتة. ماشي؟ الدرس. سورة القلم ما فيش ديت.
ماشي - 01:01:00

اخر حاجة اقولها عشان ما طولش عليكم. الصورة دي بتحسني جدا باسم الله الديان. الله من اسماء الديان خلاص اللي هو ايه
الديان؟ الديان يعني بص الحديث المعروف الاثر اللي هو كما تدين تدان. الديان يعني يحاسب - 01:01:20
خلاص زي ما بالزبط لازم يحاسب. بمعنى زي كلمة جزاء وفاقا. اللي هو يعني ايه؟ اضرب واحد يضرب واحد وعندنا العقوبات كده
السنة بالسنة والجروح القصاص. عندنا العقوبات كده الشرع كده. والله من اسماء من اسماء يوم القيامة يوم الدين. اللي هيجي فيه
الحساب - 01:01:40

بالزبط زي مفروض تحاسب. عارف اللي بياخد درجة وربع عارف اللي هو آآ تلتمية سبعة سانونية عامة. درجاتنا ايه في سانونية عامة؟
اه التلتمية واربعناشر وربع. ايه يا باشا الرقم ده؟ هو انت بتاخذ بالزبط؟ هو ده الديان. الصورة دي بتوريك الديان. على الخرطوم -
01:02:00

عقوبة بالزبط كما يجب. واحد كان رافع مناخيره فوق ومتكبر عتل بعد ذلك زعيم يتجابه من مناخيره. بالزبط بصوا اصحاب الجنة
سبحان الله! اذ اقسما الى ايه؟ فيصرمنها. صح؟ فطف عليها طائف من ربك وهم نائمون فاصبحت ايه؟ مكسرين - 01:02:20
هتتشال خالص. سبحان الله! بص دول قد كانوا يدعون الى السجود. فايه اللي يحصل هنا؟ يدعون الى السجود. سبحان الله عقوبات
عجيبة عجيبة فعلا في فكرة اسم الله الديان والواحد بيحس ان هو يا رب انت ما حدش هيفلت يا جماعة - 01:02:40
ما حدش هيعرف يعني سبحان الله! الكلام ده بقى كتير في الشرع. النبي صلى الله عليه وسلم يقول يحشر المتكبرون امثال الذر. الذر
يعني النمل ما كانش فيه الزرة دي حاجة مصطلح علمي جديد. ماشي؟ الذر اللي هو النمل. يحشر المتكبرون امثال الذر يوم القيامة
في صور الرجال. يغشاهم الذل - 01:03:00

من كل مكان يساقون الى سجن في جهنم يسمى بولس. ويسخون من عصارة اهل النار. شف شف العقوبة بالزبط والنبي صلى الله
عليه وسلم يقول ايه؟ لكل غادر غدر يعني واحد غدر. عارف اللي بيغدر ده؟ اللي الغدر ده بتبقى حاجة خبيثة بيغدر. لكل -
01:03:20

غادر لواء يوم القيامة. تخيل! مكتوب عليه هذه غدرة فلان. يعني انا سرقت كذا من ولاد عمتي. مسلا تخيل الواحد يوم القيامة
فضيحة كما تليت ايام. سبحان الله! خد بقى دي كمان عشان تبقى فاهم الدهان ده في في الناحيتين. فيه راجل جه يوم القيامة
وبيحاسب - 01:03:40

فقال النبي صلى الله عليه وسلم حسب رجل ممن كان قبلكم. فلم يوجد له من الخير شيء. الا انه كان رجلا موسرا. يعني ايه موسرا
يعني كان يخالط الناس فيقول لغلامه تجاوز عن المعسر. الموسر ده واحد عليه دين. فجيء حقه فيقول له ايه ما عهوش فلوس
خلاص. تجاوز عن المعسر. فقال - 01:04:00

الله عز وجل لملائكته نحن احق بذلك منه. تجاوزوا عنه. ده الديان. هيعاملك زي ما اتعامل بالزبط. عشان كده هو لما قال لسيدنا ابو
بكر سيدنا ابو بكر آآ قال مصطلح انا مش هصرف عليك عشان اتهم ابنته بالزنا. فقال الله فليعفوا وليصفحوا. وبعد كده - 01:04:20
ازاي؟ فقال الا تحبون ان يغفر الله لكم؟ عامله كده عاملة كده. اللي بيتعامل بقى مع ربنا على انه الديان بيكسب كتير قوي. اسامح
عشان يسامح مش عشان هو ده مش مهم اصلا ده مش في اللعبة ده زي جي تي ايه كده واحد موجود. هعفو عنه عشان ربنا يعفو
عنه. بس اه ما انت لازم تتعامل مع البشر - 01:04:40

على انك تتعامل مع ربنا. دول ابتلاءات عشان ربنا ادين يتعامل معك. هي دي. اعفو ازاي عني؟ يا عم اقف فوق عشان يوم القيامة
هيعفو عنك مش عشان حاجة حاجة لها علاقة به ده زالم وابن ستين في سبعين واكل فلوسك وببشتتم انت بقى عايز يوم القيامة ربنا

01:05:00 يعفو يقول لها تعالي نتكلم في حاجة تانية ايه علاقة ده بده هو اصلا الديان كده -

لما تتعلم ان انت يعني سبحان الله اللي بيتكلم يعمل دعوة ده اللي بيوصل الناس لربنا ده ربنا يكافئه ازاي؟ فاتعلم انك مهم قوي قوي
انك تتعامل مع ربنا بالاسم. فدي ده اسم ظاهر جدا في الصورة. ودول تمن دروس اتعلمناهم. في سورة القلم. وآآ اسأل الله ان -

01:05:20

01:05:40 علمنا ويرزقنا علما ننتفع به. سبحانك اللهم وبحمدك. اشهد ان لا اله الا انت. استغفرك. واتوب اليك -